

Te akamarama'anga i te turanga piri vaititata ki te COVID-19 (Katiri Omicron, Turanga Akateretere'anga 3)

Tuatua ou no te ra 14 o Mati 2022



Eaa te tuke i rotopu i te tangata tei to'ia e te maki, e te ngutuare tangata o te tangata tei to'ia e te maki?

Te Tangata tei to'ia e te maki: E tangata teia tei kite ia mai te COVID-19 ki runga iaia, i te test anga'ia aia.

Te Ngutuare tangata o te tangata tei to'ia e te maki: Ko te aronga teia e noo ana ki roto i te ngutuare o te tangata, tei to'ia e te COVID-19.

Tangata Tu'anga Angaanga Puapinga: E tangata teia e angaanga ana na tetai tuanga angaanga ka anoano pakari'ia. Ko te au tu'anga angaanga teia mei ta te au Are Toa, Marae Ora, Te Tu'anga kavekave apinga (mei te aronga kave vairakau e te kai ki tetai au ngutuare), e pera te Tu'anga tauturu rapurapu

Kare te aronga tei piri vaitata atu ana ki te pae i tetai tangata tei to'ia e te maki, e pera te au tangata tei piri vaitata atu kia ratou, e anoano'ia kia aru i te au akateretere'anga tei akanoo'ia no teia tuatau i te maki COVID-19 e aere nei, INARA, ka anoano'ia ratou kia akarakara matatio ua rai i to ratou turanga oraanga meitaki. Me te kite ara i te akairo, me kore ara, kare koe e meitaki ana, aere atu kia test ia koe.

Me ira mai te COVID-19 i roto i toou test RAT, tuku atu i reira ki runga i te kupe roro uira mycovidrecord.health.nz me kore ara, ringi atu i te numero 0800 222 478, me pa'u mai, pata atu i te numero 3

Noo atu ki roto i te turanga akatakake'anga no tetai 10 ra

Akono meitaki ia koe, kia meitaki toou maki

Tata ua rai i te turanga o te au akairo i runga ia koe i roto i teia tuatau akatakake'anga

Akakite atu ki te au tangata taau i kite tei piri vaitata atu ana koe i teia tuatau nei e, tei runga te maki ia koe, akakite atu kia ratou kia akarakara meitaki i te au akairo o te maki i runga ia ratou

Ka rauka ia koe i te akaruke atu i te turanga akatakake'anga, i muri ake i te 10 ra me kare e akairo i runga ia koe.

Ko te maata'anga o te rapakau'anga ka anoano koe, naau rai te reira e rave atu. Te vai ara rai te tauturu na runga i te taniuniu. Ka rauka katoa i tetai tangata i te aere atu i te akara ia koe, me ka anoano'ia

Ngutuare tangata o tetai tangata tei to'ia e te maki (Tangata piri vaitata o roto ite ngutuare)

Akatakake atu no tetai 10 ra

Ka anoano'ia koe kia rave atu i toou uao rai test RAT i te 3 o te ra, e pera i te 10 (ra openga) o te ra ia koe i roto i tena turanga akatakake'anga, e oti tuku atu i toou akairo ki runga i te kupe roro uira mycovidrecord.health.nz

Me KITE IA mai te maki i roto i toou test, kua akamata koe i reira i toou akatakake'anga e 10 ra. Tuku atu i toou akairo ki runga i te kupe roro uira mycovidrecord.health.nz me kore ara, ringi atu i te numero 0800 222 478, me pa'u mai, pata atu i te numero 3

Ka rauka ia koe i te akaruke atu i te turanga akatakake'anga, i muri ake i te 10 ra me kare e akairo i runga ia koe

Te tangata i roto i te ngutuare, e Tu'anga Angaanga Pu'apinga tana

Ka rauka rai ia koe i te angaanga ua atu rai, me te maroiroi ara rai koe e, kare koe e kite ana i te akairo i runga ia koe

Ka anoano'ia koe test ua rai ia koe uao rai, na roto i te taangaanga'anga i te test RAT i te au ra rava rai, ia koe i roto i teia tuatau akatakake'anga. Kare aaui ngai ke atu ka akatika'ia i te aere mari ua, mei te ngutuare, ki te angaanga, e ki te ngutuare akaou

Me KITE IA mai te maki i roto i toou test, kua akamata koe i reira i toou akatakake'anga e 10 ra. Tuku atu i toou akairo ki runga i te kupe roro uira mycovidrecord.health.nz

Penei e ka pati iatu tetai o te au tangata e tuanga angaanga puapinga ta ratou kia oki atu ki te angaanga noatu e kua kitena te akairo Maki i roto i to ratou test. E au akateretereanga pakari te ka akanoo ia no teia tuatau

Me kite ia mai te COVID-19 i roto i toou test, ka rauka katoa ia koe i te tuku atu i toou turanga akairo i te au ra tatakaitai na runga i te taniuniu, me kore ara tuku atu ki runga i te kupe roro uira. Ka rauka katoa i tetai tangata i te aere atu i te akara ia koe, me ka anoano'ia

I roto i teia Turanga 3 o te Akateretere'anga Paruru mei teia Katiri Omicron, ko te test RAT ua rai te ka taangaanga'ia. Ka rauka mai te test RAT e tetai mai test mei ko mai i toou Taote. Ka rauka mai teia nga ravenga test mei ko mai i toou Taote, e pera te au ngai test o te katoatoa ma te kore e tutaki. I roto katoa i teia tuatau i raro ake i te Turanga 3, ka rauka katoa te test RAT i te oko mai mei ko i te au are toa Pharmacy e tetai au are toa ke atu. Tuku atu i reira ki runga i te kupe roro uira mycovidrecord.health.nz me kore ara, ringi atu i te numero 0800 222 478, me pa'u mai, pata atu i te numero 3